

II CONVOCATORIA

AXUDAS DA OCV PARA A ASISTENCIA A CONGRESOS DE COOPERACIÓN DIRIXIDAS AO ESTUDANTADO DA UDC

Contido

1 . Limiar	3
2 . Obxectivos	3
3 . Orzamento e contía das axudas.	4
4 . Gastos elixibles e compatibilidade	4
5 . Requisitos	4
6 . Obrigas	4
7 . Formalización e presentación das solicitudes	5
8 . Avaliación de solicitudes	6
9 . Resolucións e documentación	6
10 . Procedemento para o pagamento da axuda	6
11 . Protección de datos	7



1. Limiar

Desde a súa creación, a Universidade da Coruña vén promovendo o fortalecemento da investigación nas áreas da Educación e a Cooperación ao Desenvolvemento, constituíndose a Oficina de Cooperación e Voluntariado (OCV) como un espazo de referencia para o desenvolvemento dunha investigación interdisciplinar, competitiva e aliñada cos retos actuais.

No marco do Plan Estratéxico da UDC e, en particular, das accións dirixidas a incrementar o grao de internacionalización e excelencia da investigación, a asistencia a congresos e reunións científicas constitúe un instrumento fundamental para a difusión dos resultados de investigación, o intercambio de coñecemento, o establecemento de redes de colaboración e a actualización científica do persoal investigador e do alumnado da UDC.

A UDC forma parte da Rede Galega de Cooperación Universitaria ao Desenvolvemento (RGCUD), composta polas tres universidades públicas galegas, o que supón un compromiso coa execución de accións estratéxicas orientadas á mellora continua da calidade investigadora en materia de Cooperación e Educación ao Desenvolvemento.

ArCaDia é un espazo internacional de encontro, reflexión e intercambio de experiencias arredor do dereito á vivenda, o dereito á cidade, a produción social do hábitat e a construción de territorios máis xustos, inclusivos e sostibles. Desde unha perspectiva de cooperación para o desenvolvemento e xustiza socio-espacial, promove o diálogo entre universidade, profesionais, movementos sociais e comunidades para abordar desafíos como as desigualdades urbanas, as migracións e os desprazamentos forzados, a exclusión residencial, a participación cidadá e a coprodución de coñecemento orientada á transformación social dos territorios. Neste marco, do 24 ao 28 de novembro de 2026 celebrarase en Lisboa o congreso internacional ArCaDia 7, baixo o lema *Habitar na Encruzilhada. Epistemoloxías a partir do Sur Global*.

A presente convocatoria de axudas para a asistencia a congresos ou reunións científicas ten como finalidade fomentar e facilitar a participación presencial do estudantado no devandito congreso.

2. Obxectivos

A presente convocatoria persegue os seguintes obxectivos:

- a) Promover a formación do noso estudantado no ámbito das liñas temáticas do congreso internacional ArCaDia 7: dereito á vivenda, á cidade e a xustiza espacial; as marxes urbanas e a produción social do hábitat; as crises globais, as migracións e os desprazamentos forzados; e a coprodución do coñecemento e as prácticas socioterritoriais orientadas á transformación social dos territorios.
- b) Facilitar a presentación de comunicacións, pósteres ou outras contribucións neste congreso para aumentar a proxección exterior da UDC e da OCV nestes ámbitos científicos.
- c) Contribuír á mellora da calidade e impacto da investigación desenvolvida na UDC nestas liñas impulsando o intercambio de coñecemento e a creación de redes de colaboración.



- d) Garantir unha utilización equilibrada e eficiente dos recursos dispoñibles, mediante criterios de planificación, equidade e distribución das axudas.

3. Orzamento e contía das axudas.

Esta convocatoria finánciase con cargo á seguinte aplicación orzamentaria 0901 321A 48001, por un importe inicial de 1.000 €, para o financiamento de dúas axudas por un importe máximo de 500 € cada unha, para sufragar total ou parcialmente os gastos de inscrición, viaxe, e aloxamento e manutención para a asistencia do estudantado ao congreso ArCaDia 7.

Isto é así sen prexuízo de que estes importes poidan ser incrementados en función da dispoñibilidade orzamentaria. Concederanse tantas axudas como permita o crédito dispoñible. No caso de existir remanente orzamentario tras a resolución da primeira chamada, poderá abrirse unha segunda quenda de solicitudes.

4. Gastos elixibles e compatibilidade

As axudas reguladas na presente convocatoria están destinadas a financiar, de forma total ou parcial, os gastos derivados da inscrición, gastos de viaxe, aloxamento e manutención para a asistencia do estudantado no congreso ArCaDia 7.

No caso de que a axuda concedida non cubra a totalidade dos gastos derivados da asistencia ao devandito congreso, estes poderán ser complementados con cargo a proxectos de investigación ou outros fondos de investigación nos que participe a persoa solicitante, sempre que o importe total das axudas percibidas, illadamente ou en concorrencia, non supere o custo total da actividade subvencionada.

5. Requisitos

Poderán solicitar estas axudas o estudantado que cumpra os seguintes requisitos:

- Estar matriculado ou matriculada nunha titulación de grao, mestrado ou nun programa de doutoramento da UDC durante o curso académico 2026/2027.
- Que os estudos que se estean a cursar teñan relación coas liñas temáticas do congreso.

Non será obrigatorio ter presentado unha contribución ao congreso, pero terán prioridade as solicitudes do estudantado que o faga.

6. Obrigas

- Asistir presencialmente ao congreso e participar nas actividades programadas.
- Incluír a filiación á UDC no caso de presentar contribucións científicas e facer referencia á presente axuda na sección de agradecementos da contribución.
- Presentar toda a documentación requirida pola OCV en tempo e forma para a correcta tramitación e pagamento da axuda, así como o certificado de participación.
- Comunicar á OCV calquera modificación relacionada coa asistencia ao congreso.



- Declarar a concesión de calquera outra axuda ou financiamento recibido para o mesmo fin.

7. Formalización e presentación das solicitudes

A) Prazo e modo de presentación da solicitude

O impreso para presentar as solicitudes está dispoñible na páxina web da Oficina de Cooperación e Voluntariado da UDC: <http://www.udc.gal/ocv>.

A solicitude presentarase a través do Rexistro electrónico da UDC (https://sede.udc.gal/services/telematic_register), no Rexistro Xeral da Universidade da Coruña (rúa Maestranza, 9, 15001 A Coruña) ou nos rexistros auxiliares da Coruña (Casa do Lagar, campus de Elviña, 15191 A Coruña) ou de Ferrol (rúa Vázquez Cabrera, s/n, campus de Esteiro, 15403. Ferrol) en horario das 9:00 ás 14:00 h. A data límite para entregar a solicitude será o 2 de outubro de 2026.

A solicitude pode presentarse tamén mediante o envío da documentación a través de calquera dos medios establecidos no artigo 16.4 da Lei 39/2015, do 1 de outubro, do procedemento administrativo común das administracións públicas ou norma que o substitúa. No caso de que a persoa solicitante utilice un rexistro diferente ao da propia UDC, deberá informar á comisión, a través do correo electrónico ocv@udc.es de que realizou este trámite.

B) Documentación que debe achegarse ao impreso de solicitude

A solicitude de participación na convocatoria formalizarase nos anexos que se achegan a esta convocatoria:

- 1) Solicitude da axuda. Anexo I
- 2) Copia da matrícula do curso 2026/2027.
- 3) Declaración responsable de ter ou non outras axudas solicitadas ou concedidas para a mesma finalidade. Anexo II
- 4) No caso de presentar algunha contribución ao congreso, copia da contribución e xustificante de presentación.
- 5) Xustificación acreditativa dos méritos declarados na solicitude.

C) Prazos de resolución e adxudicación das axudas.

A Vicerreitora do Campus de Ferrol, Igualdade e Responsabilidade Social ditará a correspondente resolución no prazo máximo de quince días hábiles desde o día seguinte ao remate do prazo de presentación de solicitudes. Nela indicárase a identidade da persoa ou das persoas beneficiarias e das candidaturas incluídas na listaxe de reserva.

As resolucións de concesión publicaranse en: <http://www.udc.es/ocv>

Contra esta resolución, as persoas interesadas poderán interpoñer un recurso de alzada perante o reitor no prazo dun mes contado a partir do día seguinte ao da publicación da resolución na páxina web da UDC.



8 . Avaliación de solicitudes

A comisión encargada da selección das solicitudes estará formada por:

- Ana Isabel Ares Pernas. Vicerreitora do Campus de Ferrol, Igualdade e Responsabilidade Social ou persoa en quen delegue.
- Acacia Naves García-Rendueles. Directora da Oficina de Cooperación e Voluntariado ou persoa en quen delegue
- Vanessa Míguez Martín. Técnica da Oficina de Cooperación e Voluntariado ou persoa en quen delegue

As solicitudes serán avaliadas de acordo cos principios de obxectividade, transparencia e concorrencia competitiva, atendendo aos seguintes criterios:

- Terán prioridade as solicitudes que presenten contribucións ao congreso e que así o xustifiquen, mediante a copia do resumo da contribución e o xustificante de tela presentado (4 puntos).
- Valorarase a participación da persoa solicitante nas actividades organizadas pola OCV, no grupo de traballo da Rede Galega de Cooperación Universitaria ao Desenvolvemento (RGCUD) e/ou da rede Artigo9Tech (1 punto por ano, ata 3 puntos).
- Valorarase a participación da persoa solicitante en proxectos ou traballos relacionados coa cooperación ao desenvolvemento e a educación para o desenvolvemento e a cidadanía global nas liñas temáticas do congreso (0.5 puntos por actividade ou proxecto, ata 3 puntos). A participación terá que ser xustificada mediante un certificado asinado pola entidade ou persoa responsable da actividade.
- No caso de persistir o empate tras a aplicación dos criterios anteriores, aplicarase a orde de rexistro das solicitudes ou, de ser necesario, un mecanismo de desempate documentado pola Comisión Interna.

9 . Resolucións e documentación

As listaxes, resolucións e documentación referentes a esta axuda publicaranse na sede electrónica da UDC (https://sede.udc.gal/services/electronic_board) e na web da OCV (<http://www.udc.es/ocv>), sen prexuízo da súa comunicación ás persoas interesadas.

10 . Procedemento para o pagamento da axuda

O procedemento de pagamento da axuda realizarase ao abeiro da normativa da UDC e das normas aplicables á fonte de financiamento das axudas.

1. A persoa beneficiaria deberá ter formalizada a inscrición no congreso e remitila á OCV, por correo electrónico, o correspondente xustificante do pagamento.
2. A persoa beneficiaria achegará á OCV, por correo electrónico, a documentación xustificativa dos gastos de desprazamento e aloxamento realizados, incluíndo, segundo proceda, a factura do hotel ao seu nome, os tickets de peaxe e aparcadoiro en caso de utilización de vehículo propio, a factura dos voos e as correspondentes tarxetas de embarque en caso de desprazamento en avión, así como os billetes ou recibos doutros medios de transporte público (autobús, tren, taxi, metro, etc.).
3. Achegarase á OCV, por correo electrónico, o certificado de asistencia ao congreso.



4. O aboamento da contía concedida na resolución da convocatoria efectuarase mediante transferencia bancaria á persoa beneficiaria. De ser o caso, aplicaranse as retencións correspondentes. A data de pagamento está condicionada á tramitación administrativa, polo que non se garante que este se produza antes do congreso.
5. O incumprimento total ou parcial do que establece a presente convocatoria dará lugar, logo do oportuno expediente de incumprimento, á cancelación da axuda e ao reintegro do percibido. Igualmente, no suposto recollido no punto 3, do artigo 33 da Lei 9/2007, do 13 de xuño, de subvencións de Galicia, procederá o reintegro do exceso obtido sobre o custo da actividade subvencionada, así como a esixencia do xuro de mora que corresponder.
6. O incumprimento da obriga de xustificación da subvención nos termos establecidos ou da súa xustificación insuficiente, levará aparelado o reintegro nas condicións previstas no artigo 33 da Lei 9/2007, do 13 de xuño, de subvencións de Galicia.

11. Protección de datos

A protección dos datos persoais é un dereito fundamental recoñecido no artigo 18 da Constitución, e regulado en dúas normas: o Regulamento (UE) 2016/679, do Parlamento Europeo e do Consello, do 27/04/2016, relativo á protección das persoas físicas no que respecta ao tratamento de datos persoais e á libre circulación destes datos (Regulamento xeral de protección de datos, RXPd), e a Lei orgánica 3/2018, do 5 de decembro, de protección de datos persoais e garantía dos dereitos dixitais (LOPD). Para aplicar esta normativa no ámbito da Universidade da Coruña, o seu Consello de Goberno aprobou a normativa xeral relativa á protección de datos persoais na UDC. Na seguinte ligazón poderán consultar a información sobre a protección de datos: https://www.udc.es/es/goberno/equipo_reitoral/secretaria/proteccion-de-datos/

Mediante a concorrencia a esta convocatoria, a persoa interesada consente expresamente a publicación dos seus datos, na forma prevista na disposición adicional sétima da LOPD, así como o tratamento dos datos para os efectos de cumprir coa finalidade descrita nesta convocatoria.

A Coruña, na data da sinatura dixital

A vicerreitora do Campus de Ferrol, Igualdade e Responsabilidade Social

Ana Isabel Ares Pernas

Anexo I

Nome

Apelidos

DNI

Teléfono de contacto:

Correo electrónico de contacto:

Titulación:

Título da contribución científica no caso de presentala:

Actividades organizadas pola OCV, a RGCUD ou a rede Artigo9Tech nas que participa ou participou:

Proxectos ou traballos relacionados coa cooperación ao desenvolvemento e a educación para o desenvolvemento e a cidadanía global nas liñas temáticas do congreso:

ANEXO II

D./D.^a _____,
con DNI/NIE _____,
en representación de (se é o caso) _____,
con NIF _____,

DECLARA RESPONSABLEMENTE

Que, en relación con outras axudas, subvencións, ingresos ou recursos, públicos ou privados, destinados á mesma finalidade para a que se solicita a presente axuda,

☐
☐

Non solicitou nin recibiu outras axudas, subvencións, ingresos ou recursos.

Solicitou e/ou recibiu outras axudas, subvencións, ingresos ou recursos.

En caso afirmativo, deberá indicar:

Entidade concedente:

Importe solicitado ou concedido:

Finalidade:

Así mesmo, a persoa solicitante comprométese a comunicar de inmediato á entidade concedente a a solicitude ou a obtención doutras axudas destinadas á mesma finalidade, desde o momento da presentación desta declaración.

E para que así conste, asina a presente declaración responsable.

En _____, a ____ de _____ de 2026

Asdo.: _____

Nome e apelidos: _____